



# Koppler Modellsportclub

Obmann: Peter Fuchs Lämmererweg 2-5321 Koppl  
Tel. Nr.: 0664/45 31 355

---

## Rupertigaudi Cup Koppl 2007 oder Der Tag X

Nun war es also soweit : Rupertigau(di) Cup bei uns in Koppl.  
Nachdem wir die ganze Woche kämpft ham, das unser Bahn net zu Staub und Asche wird, weils an Belag ausabrennt hat, is de Sun pünktlich am Sonntag in da Früh vom Regen abgelöst worden...Na Super!!

Vorher hat in da Nacht da Wind zum Blasen anfanga, das ma uns um die Zelta gfiacht ham.

Also hammas schnell obaut, wobei uns die Gschwendter super unterstützt ham. (und des trotz mein letzten Bericht – Danke--)

Das net ungmütlich san, die Gschwendter, ham mir eh schon gwisst. Aber in da Nacht von Samstag auf Sonntag hammeses bis in de frühen Morgenstunden wieder bewiesen.

Mit dabei woan ah nu da Strasser Hans und Stefan.

Da Stefan hat in da Nacht glaub i nu an Hunger ghabt und so stark an a Pizza denkt, das er wirklich oane aufabeschworen hat.

Mei O, da Peter hat mi dann in der Früh aufgeweckt - i soi schaun wias Wetter weitergeht - ...leichter Regen bis 11.00 H danach wahrscheinlich scheh..

Also hamma gstartet und ghofft das der Regen net stärker wird.

Die Vorläufe samma dann bei ganz leichten nieseln gfoan und danach is eh wieder scheh woan.

Der guade Gripp hat sogar dazu geführt, das an Pichler Wolfgang sei Streckenrekord vom Siller Peter brochen worden is...Neuer Rekord **23.88** sec. !!! Gratuliere!!

Nach de Vorläufe wor a mal Pause.....und de war gar net kurz.

Jetzt wissen wir, wias euch in Gschwendt ganga is....des scheis Programm hat auf a moi de Startnummern neich vergeben und hat de Monster Finalausstellung durchanond bracht ( unser O., da Peter war kurz vor an Herzpatschen, hat des aber mit an Bier guat kaschiert)...nach 1 Stund schwitzen hamma dann mit Unterstützung von der Schreilechner Marianne, Siller Peter und Strasser Hans de Reihung wieder hinbracht und dem Rennen is nix mehr im Weg gstanden.

Aus meiner Sicht kann i nur sagn, de Finalläuf worn richtig hoas.....voll geil!!!

Bei de 4WD haben si de Sillers mit de Strassers (besteht keine Verwandtschaft zwischen den Strassers, obwoi da Hans und da Markus se schon ähnlich schauen...von der Seitn) obikämpft.

Bei de 2 WD da Gadermayr mitn kloan Siller und den Pfeifhofers.

Und bei de Monster woas sowieso spannend vom Anfang bis zum Schluss. Da Bartacek, da Diwald, da Pfeifhofer und I, ham kämpft wia de depperten. Danke an Eich für de geilen Rennen.

Sogar im B-Finale Monster is kämft woarn bis zum Schluss. Da René(9) und da Baumgartner Christof(48), haben, glaub i, beim nächsten Rennen a nu a Rechnung offen.

Naja... Danach nu Siegerehrung und a Abschlussbier.....

Fazit: Im Endeffekt is alles guat ganga ; de Strecken ghört hoit wieder renoviert, nach de ca. 3500 Runden, aber i hoff das es Allen gfallen hat und i glaub das ma alle mitanonda a bissal mehr zamgruckt san ( persönlich und auf da Strecken)

Also Dann .....